

新刊經  
進詳註

昌黎先生文

宋蜀刻本唐人集





本社  
編

# 宋蜀刻本唐人

集



YZLI0890174417

三十一册

〔唐〕韓愈撰 〔宋〕文謙注 王儔補注

昌黎先生集  
新刊經進詳註

顧廷龍題



據北京圖書館藏

宋蜀刻本影印版

框尺寸悉準原書

詳註韓文引



殿中侍御史杜革老



韓愈唐大儒也聞聖人而師之自  
束帶立朝即觝排異端攘斥佛  
老囂囂然鳴道以為已任懼  
之害熾於楊墨故其言矯拂與世  
矛盾舊史無卓卓小從而

為人不通世務而述作紕謬之目  
當時均以為然矣況復望中其  
主聽納其一二乎觀其平居抗  
偉橫厲一出乎正班之孔門當與游  
夏爭衡柰何遭唐不競吾道寢  
蕪故其文亦遂湮微可為慨嘆者  
矣綿祀數百君蒿悽愴有神用之

俾受姓于歐陽氏至和嘉祐間復  
以文鳴固常撫韓作於蠹簡中正  
其訛舛張而大之自是天下學士始  
知斯文有師佛老異端不排自熄  
於乎蘊而必發窒而必通雖時有  
否泰亦厥理然耳今文謹者尊崇  
山斗力於趙德李漢盡搜經史百

家之書詳為之註考定年月輕采  
其文之首其中質疑闕發隱秘章  
分句斷以闢面墻俾讀之者煥然  
在目而韓氏之款劂亦于以心通而  
意會若歐可作豈無一言以進之  
萃老於是乎云





進詳註昌黎先生文表



臣謹言煌煌北極環列宿以中居浩浩滄溟擁百川而四會大



聖王之高拱錄片善以兼收賢無在野之遺士有獻能之悅輒伸丹懇仰觸

天聰臣謹誠惶誠恐頓首頓首竊以道本無名由聖人而強立言何所藉自六籍以交傳其倫則父子君臣其文則仁義禮樂在箕子謂之皇極於子思乃曰中庸雖至愚之夫婦皆可與行彼目古之聖賢莫不由此而上者不過斯道

推而行之乃存乎人爰自志德衰微杏壇蕪穢  
三千人會議於稷下七十子散游於諸侯傳之  
者既失其真自相矛盾學之者競求於異致失  
本原九流由是以互分邪說乘茲而遂熾襲其  
非而勝其是入者主而出者奴幸而孟軻以辯  
翼之於前荀卿以正宗之於後蓋空言雖戾於  
當日俾天下悉歸於聖門皆二子之使然迄于  
今而是賴適元和之臨御崇釋氏以祈禳日觀  
禮於空王遂遠迎於佛骨上所好者下必甚化  
既行而人斯從搢紳咸服於幽禪絃誦反聞於

梵唄惟愈也氣可吞於河嶽忠不避於雷霆抗  
誠丹陛而異可回天逆折群凶而終無撓志欲  
以二帝三王之道一清四方萬里之心厥身雖  
竄於南荒學者幸瞻於北斗載而爲書則皆可  
盡信究其所養則遠而莫窮臣常口誦心惟手  
披目覽深探旨意粗識依歸殫智慮以尋問道  
之源叩宮商而別爲文之體積二十年之久雖  
去原始以要終紬數千帙之書未免隨人而執  
下得匣願搜於瓊蓋缺舟以索於龍泉撫事不  
憚於文煩開卷宛同於冰釋人皆笑其迂闊已

不改其專精甘為蜀國之腐儒詎識鈞天之廣  
樂茲蓋伏遇

皇帝陛下御

離明而

廣照

躬道統以

中興

體舜帝之孳孳

繼志述事

法宗周之郁郁偃武修文常



勤乙夜之觀以致下情之達臣學粗通於世務  
心靡適於他途知尚論於古人獨推尊於韓氏  
含毫吮墨既同爾雅之蟲魚多背

獻芹遠紹相如之筆札願

聖神之閒燕回

日月之照臨少伸蠹簡之誠庶追面墻之責所  
註到韓愈文集四十卷附以外集遺文謹繕寫  
隨表

上進以

聞膚淺塵言冒昧千

聽臣謹誠惶誠懼頓首頓首謹言

右通功郎新授達州東鄉縣尉兼主簿臣文 謹 上表

乾道二年五月

進呈

詳註昌黎先生文集序

古之君子窮而在下則事道如事君達而在上則事君如事道蓋道非君不行君非道不立二者相資以成名窮則事道非遺於君也養其所以事君者當以道爲先也達則事君非忘於道也致其所以事道者當以君爲先也是故有不忠於君者是不君其君也吾得謂之亂臣苟或違於道者是不道其道也吾得謂之邪說邪說與亂臣同科則事君與事道同體孔孟以來盡一者惟韓子能之觀其排辟老之際浩浩然氣

韓文公

一

己

拂其膺雖三遭擯斥曾不少沮蓋其心常恐堯  
舜禹湯周孔孟子之所傳一日墜地以爲已羞  
是以抑邪扶正不遑自恤而夷險不易其說遂  
自此孟子天下後世隨風而靡亦不以爲異謹  
以謂孟子之拒楊墨未若韓子之爲難何則楊  
朱墨翟皆中國之人其言猶未離於聖人之教  
特以其仁而流於兼愛義而流於爲我爲我則  
無君兼愛則無父無父無君是禽獸也致孟子  
所以力距之歟自周以來楊墨雖熄而佛老互  
興佛者以散財爲上即墨氏之兼愛也老氏以



長生爲得卽楊氏之爲我也其害尤甚於楊墨者以其出於夷狄故也常觀佛者之教久熾於其國逮漢永平始導而置之中原老聃之未著書也亦常西至流沙聞虛無之說歸而感悟始著上下篇二氏顯行而聖道自茲陵替逆而距之常恐不及元和之君乃屈已崇奉是教天下之人以叛其君父之尊而事迦曇之法用夷變夏於斯爲甚噫邊隅失警疆表內侮擢一良將草薶而禽獮之可以旋踵而致安若夫尊崇異術以導人之性及其久也風傳俗習恬不爲怪